

加批
詳評
景岳全書

卷四十七

賢集外科錄下

會稽張介賓會卿著

長洲葉桂大士評
古吳江家楨思庵訂

(四)
發背

發背屬督脉膀胱經。凡陰虛火盛。或醇酒厚味。或鬱怒房勞。或丹石熱毒。皆能致之。若腫赤痛甚。脈洪數而有力者。熱毒之證也。為易治。若漫腫微痛。色暗作渴。脉雖洪數而無力者。陰虛之證也。為難治。若不腫不痛。或漫腫色暗。脉微細者。陽氣虛甚也。尤為難治。大抵發背之證。其名雖多。總惟陰陽二證為要。若發一頭或二頭。其形焮赤腫高。發熱疼痛。頭起者為癰。屬陽。易治。若初起一頭如粟。不腫不赤。悶痛煩躁。大渴便秘。睡語咬牙。四五日間。瘡頭不計其數。瘡口各含如粟形。如蓮蓬。故名蓮蓬發。積日不潰。按之流血至數日。或八九日。其頭成片。所含之物。俱出通結。一夜揭去。又結其口。共爛為一瘡。其膿內攻。其色紫暗者為疽。屬陰。難治。且此證不可大痛。又不可不痛。若見煩悶者多不治。總之瘡瘍雖云屬火。然未有不因陰虛而致者。故經云。督脉經虛。從腦而出。膀胱經虛。從背而出。故不可專泥於火。

陳良甫曰。背疽之源有五。一天行。二瘦弱氣滯。三怒氣。四腎氣虛。五飲冷酒。食火燔。服丹藥。立齋曰。大抵發背之症。雖發熱疼痛。形勢高大。煩渴不寧。但得脉息有力。飲食頗進。可保無虞。

加批
詳評
景岳全書

卷四十七

賢集外科錄下

會稽張介賓會卿著

長洲葉桂大士評
古吳江家楨思庵訂

(四) 發背

發背屬督脉膀胱經。凡陰虛火盛。或醇酒厚味。或鬱怒房勞。或丹石熱毒。皆能致之。若腫赤痛甚。脈洪數而有力者。熱毒之證也。為易治。若漫腫微痛。色暗作渴。脉雖洪數而無力者。陰虛之證也。為難治。若不腫不痛。或漫腫色暗。脉微細者。陽氣虛甚也。尤為難治。大抵發背之證。其名雖多。總惟陰陽二證為要。若發一頭或二頭。其形焮赤腫高。發熱疼痛。頭起者為癰。屬陽。易治。若初起一頭如粟。不腫不赤。悶痛煩躁。大渴便秘。睡語咬牙。四五日間。瘡頭不計其數。瘡口各含如粟形。如蓮蓬。故名蓮蓬發。積日不潰。按之流血至數日。或八九日。其頭成片。所含之物。俱出通結。一夜揭去。又結其口。共爛為一瘡。其膿內攻。其色紫暗者為疽。屬陰。難治。且此證不可大痛。又不可不痛。若見煩悶者多不治。總之瘡瘍雖云屬火。然未有不由陰虛而致者。故經云。督脉經虛。從腦而出。膀胱經虛。從背而出。故不可專泥於火。

陳良甫曰。背疽之源有五。一天行。二瘦弱氣滯。三怒氣。四腎氣虛。五飲冷酒。食火燔。服丹藥。立齋曰。大抵發背之症。雖發熱疼痛。形勢高大。煩渴不寧。但得脉息有力。飲食頗進。可保無虞。



其膿一潰。諸證悉退。多有因膿不得外泄。以致疼痛。若用敗毒寒藥攻之。反致誤事。若有膿即針之。膿一出。苦楚即止。膿未成而熱毒作痛者。可用解毒之藥。亦有腐潰尺餘者。若無惡證。則投以大補之劑。肉最易生。亦無所忌。惟忌腫不高。色不赤。不焮痛。脉無力。不飲食。腫不潰。腐不爛。膿水清。或膿多不止。皆屬元氣虛也。為難治。宜峻補之。其或膿血既泄。腫痛尤甚。膿水臭。煩躁時嗽。腹痛渴甚。瀉痢無度。水便如淋。乃惡證也。皆不可治。○又灸法曰。予常治發背。不問日期。陰陽腫痛。或不痛。或痛甚。但未成膿。或不潰者。即與灸之。隨手取效。或麻木者。明灸之。毒氣自然隨火而散。或瘡頭如黍者。灸之不效。亦有數日。色尚微赤。腫尚不起。痛不甚。膿不作者。尤宜多灸。勿拘日期。更服甘溫托裏藥。切忌寒涼之劑。其有勢未定者。或先用箍藥圍之。若用烏金膏。點患處尤妙。凡人初覺發背。赤熱腫痛。莫辨其頭者。但以濕紙覆其上。立候視之。其紙有先乾處者。即是結頭也。取大蒜。切成片。如二三錢厚薄。安于頭上。用大艾炷灸之。三壯換一蒜片。痛者灸之不痛。不痛灸之痛。時方止。最要早覺。早灸為上。一日二日。十灸十活。三日四日。六七活。五日六日。三四活。過七日。則難為力矣。若有十數頭。作一處生者。即用大蒜研成膏。作薄餅鋪頭上。聚艾於蒜餅上。燒之。亦能活也。若背上初發。赤腫一片。中間有一片黃粟米頭。子便用獨蒜。切去兩頭。取中者。半寸厚者。正安于瘡上。灸十四壯。多至四十九壯。蓋如此惡證。惟隔蒜灸。及塗烏金膏。有效。又治法曰。腫硬痛深。脉實者。邪在內也。可下之。○腫高焮痛。脉浮者。邪在表也。宜托之。○焮痛煩躁。或咽乾。火在上也。宜瀉之。○腫高。或不作膿者。邪氣凝結也。宜

解之。○腫痛飲冷發熱睡語者火也。宜清之。○不作膿。或不潰不飲者。陽氣虛也。宜補之。○瘰
肉不腐。或積毒不解者。陽氣虛也。宜助陽氣。○膿多或清者。氣血俱虛也。宜峻補之。○脉浮大
或濇而肌肉遲生者。氣血俱虛也。宜補之。○右關脉弱而肌肉遲生者。宜補脾胃。○入諸毒治
法曰。如頭痛有表證者。宜服人參敗毒散一二劑。○如喉痛發熱脉數者。用金銀花散槐花酒
神功托裏散。○如疼痛腫硬脉寔者。以清涼飲仙方活命飲苦參丸。○腫硬木悶疼痛發熱煩
躁。飲冷便秘脉沈寔者。內疎黃連湯或清涼散。○大便已通欲其作膿。宜仙方活命飲托裏散
蠟礬丸外用神異膏。○如飲食少思或不甘美。用六君子湯如藿香連進三五劑。更用雄黃解
毒散洗患處。每日用烏金膏塗瘡口處。俟有瘡口。即用紙作撚蘸烏金膏。絛入瘡內。○若有膿
為脂膜間隔不出。或作脹痛者。宜用針引之。腐肉堵塞者去之。若瘰肉腐動。用猪蹄湯洗之。○
如膿稠或痛飲食如常。瘰肉自腐。用消毒與托裏藥相兼服之。仍用前二膏塗貼。○若腐肉已
離好肉者。宜速去之。○如膿不稠不稀。微有疼痛飲食不甘。瘰肉腐遲。更用桑柴灸之。亦用托
裏藥。○若瘰肉不腐。或膿清稀不炊痛者。急服大補之劑。亦用桑木灸之。以補接陽氣。解散鬱
毒。○嘗觀患處稍重。未成膿者。不用蒜灸之法。及膿熟不開。或待腐肉自去。則多致不救。○大
抵氣血壯寔。或毒少輕者。可假藥力。或自腐潰。若怯弱之人。熱毒中隔。內外不通。不行針灸藥
無全功矣。○此證若膿已成。急宜開之。否則重者潰通臟腑腐爛筋骨。若使透隔。則不可治。輕
者延潰良肉。難於收功。因而不飲者多矣。○又諸補治法曰。若腫炊作痛寒熱作渴飲食如常

此形氣病氣俱有餘也。先用仙方活命飲。後用托裏消毒散解之。○漫腫微痛。或色不赤。飲食少思。此形氣病氣俱不足也。用托裏散調補之。○不作膿。或膿成不潰。陽氣虛也。托裏散倍加肉桂參芪。○膿出而反痛。或膿水清稀。氣血俱虛也。八珍湯。○惡寒形寒。或不收斂。陽氣虛也。十全大補湯。○熱內熱。或不收斂。陰血虛也。四物加參朮。作嘔欲嘔。或不收斂。胃氣虛也。六君加炮姜。○食少體倦。或不收斂。脾氣虛也。補中益氣湯。加茯苓半夏。○肉赤而不斂。血熱也。四物加山梔連翹。○肉白而不斂。脾虛也。四君加酒炒芍藥木香。○小便頻數者。腎陰虧損也。加減八味丸。○大抵瘡毒勢甚。若妄用攻劑。怯弱之人。必損元氣。因而變證者衆矣。○又三證治法。曰。若初患未發出。而寒熱疼痛。作渴飲冷。此邪氣內蘊也。仙方活命飲。若口乾飲熱。漫腫微痛。此元氣內虛也。托裏消毒散。若飲食少思。肢體倦怠。此脾胃虛弱也。六君子湯。如未應。加姜桂。其有死者。乃邪氣盛。正氣虛。而不能發出也。在於旬餘之間見之。○若已發出。用托裏消毒散。不腐潰。用托裏消毒散。如不應。急宜溫補脾胃。其有死者。乃真氣虛。而不能腐潰也。在於二旬之間見之。○若已腐潰。用托裏散。以生肌。如不應。急溫補脾胃。其有死者。乃脾氣虛。而不能收斂也。在於月餘見之。此三證雖不見於經籍。余嘗治而歷驗者。

千金方。灸法治發背。已潰未潰者。用淡豆豉。以水和搗成硬泥。依腫大小。作餅三四分厚。如已有瘡孔。勿置瘡孔上。但四布豆餅。列艾其上灸之。使微熱。勿令破肉。如熱痛急。少起之日。灸二度。如先有瘡孔。孔出汁即瘳。

一驗透膈法。凡背疽大潰。欲驗穿透內膜者。不可用皂角散噫法。但以紙封患處。令病者用意呼吸。如紙不動者。未穿透也。倘用取嚏法。鼓動內膜。則反致穿透。慎之慎之。

都憲周弘岡。背患疽腫而不潰。脉大而浮。此陽氣虛弱。而邪氣壅滯也。用托裏散。倍加參芪。反內熱作渴。脉洪大鼓指。此虛火也。用前散。急加肉桂。脉證頓退。仍用托裏而愈。若以爲熱毒。而用寒藥。則誤矣。○上舍張克恭患此。內服外傳。皆寒涼敗毒。遍身作痛。欲嘔少食。晡熱內熱。惡寒畏寒。余曰。遍身作痛。營衛虛而不能營於肉裏也。欲嘔少食。脾胃虛寒。而不能消化飲食也。內熱晡熱。陰血內虛也。而陽氣陷於陰分也。惡寒畏寒。陽氣虛弱。而不能衛於肌肉也。此皆由脾胃之氣不足所致。遂用補中益氣湯。諸證漸退。更以十全大補湯。腐肉漸潰。又以六君子湯。加芍歸。肌肉頓生而愈。○府庠彭碧溪患腰疽。服寒涼敗毒之藥。色暗不痛。瘡頭如鋪黍。背重不能安寢。耳瞶目白。面色無神。小便頻澇作渴。迷悶氣粗短促。脉浮數。重按如無。余先用滋水之藥一劑。少頃便利。渴止。背即輕爽。乃砭出瘀血。以艾半觔許。明灸患處。外傳烏金膏。內服參芪歸朮肉桂等藥。至數劑。元氣稍復。自疑肉桂辛溫。一日不用。手足並冷。大便不禁。仍用肉桂。及補骨脂二錢。肉豆蔻一錢。大便復常。其肉漸潰。更用當歸膏。以生肌肉。八珍湯。以補氣血而愈。○上舍蔡東之患此。余用托裏之藥。而潰瘡口尚未全斂。時值仲冬。且兼咳嗽。余曰。瘡口未斂。脾氣虛也。咳嗽不止。肺氣虛也。法當補其母。一日與之同宴。見忌羊肉之類。余曰。補可以去弱。人參羊肉之類是也。最宜食之。遂每日不徹旬餘。而瘡斂。嗽亦頓愈矣。○一男子年逾五十。

患發背。色紫腫痛。外皮將潰。寢食不安。神思甚疲。用桑柴灸患處。出黑血。即睡覺。而諸證如失。服仙方活命飲二劑。又灸一次。膿血皆出。更進二劑。腫痛大退。又服托裏消毒散數劑。而膿大瘡勢熾甚。本宜峻劑攻之。但年老血氣衰弱。況又發在肌肉。若專於攻毒。則胃氣先損。必反誤事。俱詳按

予長男於二週患背疽。治按在腫瘍條中。新按

一論外通用方 神仙薰照法外一二三

(四) 腦疽

立齋曰。腦疽屬膀胱經積熱。或溼毒上壅。或陰虛火熾。或腎水虧損。陰精消涸所致。○若腫痛未作膿者。宜除濕消毒。○大痛或不痛。或麻木者。毒甚也。隔蒜灸之。更用解毒藥。○腫痛便秘者。邪在內也。宜泄之。○不甚痛。或不作膿者。虛也。托裏為主。○膿成脹痛者。針之。更宜托裏。○上部脉數寔而痛者。宜降火。○上部脉數虛而痛者。宜滋陰降火為主。○尺部脉數而作渴者。滋陰降火。○脉數而虛細無力。或膿清。或不斂。或膿多者。大補血氣。○不作膿。或不潰者。托裏藥主之。○煩躁飲冷。脉寔而痛者。宜瀉火。○又治法曰。初起腫赤痛甚。煩渴飲冷。脉洪數而有加。乃濕熱上壅。當用黃連消毒散。並隔蒜灸。以除濕熱。○若漫腫微痛。渴不飲冷。脉洪數而無力。乃陰虛火熾。當用六味丸。及補中益氣湯。以滋化源。○若口舌乾躁。小便頻數。或淋漓作痛。乃腎水虧損。急用加減八味丸。及前湯。以固根本。而引火歸經。○若不成膿。不腐潰。陽氣虛也。



四君加歸芪。○若不生肌不收斂。脾氣虛也。十全大補湯。○若色暗不潰。或潰而不斂。乃陰精消涸。名曰腦癰。為不治。若攻補得宜。亦有可愈。○大凡腫焮痛甚。宜活命飲。隔蒜灸之。以解散瘀血。拔引鬱毒。但艾炷宜小而少。若欲其成膿腐潰。生肌收斂。並用托裏為主。

李氏曰。腦疽及頸項有疽。不可用隔蒜灸。恐引毒上攻。宜灸三里穴五壯。氣海穴五壯。仍服涼血化毒之藥。或以騎馬穴法灸之。凡頭項咽喉生疽。古法皆為不治。若用此法。多有生者。如五香連翹漏蘆等湯。國老膏萬全散。皆可用。見外科精要。

一老人患此。色赤腫痛。脉數而有力。與黃連消毒散二劑。少退。更與清心蓮子飲四劑而消。
一男子腫痛。脉數以荊防敗毒散二劑而痛止。更以托裏消毒散而消。○一男子焮腫疼痛。發熱飲冷。脉洪數。與涼膈散二劑而痛止。以金銀花散四劑而潰。更以托裏藥而愈。○一老婦稟壯實。潰而痛不止。脉寔便秘。以清涼飲二劑而痛止。更以托裏消毒藥而愈。○一婦人冬間患此。腫痛熱渴。余用清涼消毒潰之而愈。次年三月。其舌腫大。遍身發疔如葡萄。不計其數。手足尤多。乃脾胃受毒也。先各刺出黑血。隨服奪命丹七粒。出鼻汗。瘡熱益甚。便秘二日。與大黃苓連各三錢。升麻白芷山梔薄荷連翹各二錢。生甘草一錢。水煎三五沸服之。大小便出臭血甚多。下體稍退。乃磨入犀角汁再服。舌本及齒縫出臭血。諸毒乃消。更以犀角地黃湯而愈。○一婦人患前證。口乾古燥。內服清熱外敷寒涼。色暗不覺。胸中氣噎。此內真寒而外假熱也。彼疑素有痰火。不欲溫補。余以參芪各五錢。姜桂各二錢。一劑頓潰。又用大補藥而愈。○一男子頭

項俱腫。雖大潰。腫痛益深。兼作瀉煩躁不睡。飲食少思。其勢可畏。診其脉則毒尚在。與仙方活命飲二劑。腫痛退半。與二神丸及六君子湯。加五味子。酸棗仁。四劑。諸證少退。飲食少進。腫亦少得。又與參苓白朮散數劑。飲食頓進。再與十全大補湯。加金銀花。白芷。月餘而瘥。

(四) 耳瘡

立齋曰。耳瘡屬少陽三焦經。或足厥陰肝經。血虛風熱。或肝經燥火風熱。或腎經虛火等因。○若發熱。喉痛。屬少陽厥陰風熱。用柴胡清肝散。○若內熱。痒痛。屬二經血虛。用當歸川芎散。○若寒熱。作痛。屬肝經風熱。用小柴胡湯。加山梔。川芎。○若內熱。口乾。屬腎經虛火。用加味地黃丸。如不應。用加減八味丸。餘當隨證治之。

愚按薛氏所治耳證。凡氣虛者。以補中益氣湯。加山梔。黃芩。血虛者。用八珍湯。加柴胡。丹皮。肝火血虛者。用梔子清肝散。怒動肝火者。用加味逍遙散。肝脾受傷者。朝用加味歸脾湯。暮用加味逍遙散。此其治之大約也。○予嘗治一儒者。年近三旬。素有耳病。每年當發。發必腫潰。至乙亥二月。其發則甚。自耳根下連頸項。上連頭角。耳前耳後。莫不腫痛。如舊之治。無非散風降火。至一月後。稠膿鮮血。自耳迭出。每二三日。必出一酒鍾許。然膿出而腫全不消。痛全不減。枕不可近。食不可加。氣體俱困。自分甚危。延余治之。察其形氣。已大不足。察其病體。則腫痛如舊。仍若有餘。察其脉息。則或見弦急。或見緩弱。此非實熱可知。然脉不甚緊。而或時緩弱。亦得潰瘍之體。尚屬可治。遂先以六味湯。二三劑。而元氣稍振。繼以一陰煎。加牛蒡子。茯苓。澤瀉。仍倍加。

白痰聚為君。服五十餘劑。外用降癰散。晝夜敷治。兩月而後愈。蓋此證雖似潰瘍有餘。而實以肝腎不足。上實下虛。一奇證也。故存識之。新按

(四) 贅疽

立齋曰。贅疽屬肝膽二經。怒火。或風熱血虛所致。○若焮痛或發熱者。宜祛風清熱。○焮痛發寒熱。或拘急者。發散表邪。○作膿或焮痛。托裏消毒。○膿已成作痛者。針之。○不作膿。或膿成而不潰者。俱宜托裏。○不飲或膿清者。峻補之。○又治法曰。若發熱作渴者。用柴胡清肝散。腫覺痛甚者。仙方活命飲。○若大勢已退。餘毒未散。用參苓歸朮為主。佐以川芎。白芷。金銀花。以速其膿。膿成仍用參苓之類。托而潰之。○若欲其生肌收斂。腎虛者。六味丸。血虛者。四物加參芪。或血燥者。四物湯。或水不能生木者。六味地黃丸。氣虛者。用補中益氣湯。皆當滋其化源為善。

(五) 疔腮

立齋曰。疔腮屬足陽明胃經。或外因風熱所致。或內因積熱所致。若腫痛寒熱者。白芷胃風湯。○內熱腫痛者。升麻黃連湯。○外腫作痛。內熱口乾者。犀角升麻湯。○內傷寒涼。不能消潰者。補中益氣湯。○發熱作痛。大便秘結。清涼飲。○表裏俱解。而仍腫痛者。欲作膿也。托裏散。○若飲食少思。胃氣虛弱者。六君子湯。○肢體倦怠。陽氣虛弱也。補中益氣湯。○膿毒既潰。腫痛不減。熱毒未解也。托裏消毒散。○膿出而反痛。氣血虛也。參芪內托散。○發熱晡熱。陰血虛也。八珍湯。○惡寒發熱。氣血俱虛也。十全大補湯。○若焮腫痛連耳下者。屬手足少陽經。當清肝火。

○若連頭及耳後者屬足少陰經虛火當補腎水。此證而有不治者多泥風熱執用剋伐之劑耳。
(望) 瘰癧

瘰癧之病屬三焦肝胆等經風熱血燥或肝腎二經精血虧損虛火內動或恚怒憂思氣逆于肝胆二經二經常多氣少血故怒傷肝則木火動而血燥腎陰虛則水不生木而血燥血燥則筋病肝主筋也故累累然結若貫珠其候多生于耳前後連及頤頤下至缺盆及胸腋之側又謂之馬刀其初起如豆粒漸如梅李核或一粒或三五粒按之則動而微痛不甚熱久乏則日以益盛或頸項強痛或午後微熱或夜間口乾飲食少思四肢倦怠或堅而不潰或潰而不合皆由氣血不足故往往變為勞瘵外臺秘要云肝腎虛熱則生瘰癧病机云瘰癧不係膏梁丹毒火熱之變總因虛勞氣鬱所致止宜以益氣養營之藥調而治之其瘡自消蓋不待汗之下之而已也若不詳脉證虛實之異而概用追蝕攻下及流氣飲十宣散之屬則必犯經禁病禁以致血氣愈損必反為敗證矣若脉洪大以元氣虛敗為不治若面色晄白為金剋木亦不治若眼內赤脉貫瞳人見幾條則幾年死使不求本而妄用伐肝之劑則誤矣蓋伐肝脾土先傷脾傷則損五臟之源矣可不慎哉

齊氏曰瘰癧結核初覺時宜內消之如經久不除氣血漸衰肌寒肉冷或膿汁清稀毒氣不出瘡口不合聚腫不赤結核無膿外證不明者並宜托裏膿未成者使膿早成膿已潰者使新肉早生血氣虛者托裏補之陰陽不和託裏調之大抵托裏之法使瘡無變壞之證所以宜用也

丹溪曰。瘰癧必起於足少陽一經。不守禁忌。延及足陽明經。食味之厚。鬱氣之久。曰毒。曰風。曰熱。皆此三端。拓引變換。須分虛實。實者易治。虛者可慮。此經主決斷。有相火。且氣多血少。婦人見此。若月水不調。寒熱變生。稍久轉為潮熱。自非斷慾食淡。神醫不能療也。立齋曰。焮腫脉沈數者。邪氣實也。宜洩之。○腫痛憎寒發熱。或拘急者。邪在表也。宜發散。○因怒結核。或腫痛或發熱者。宜疎肝行氣。○腫痛脉浮數者。祛風清熱。○脉澀者。補血為主。○脉弱者。補氣為主。○腫硬不潰者。補氣血為主。○抑鬱所致者。解鬱結。調元氣。○潰後不斂者。屬氣血俱虛。宜大補。○虛勞所致者。補之。○因有核而不斂者。腐而補之。○脉寔而不斂。或不消者。下之。○又治法曰。若寒熱焮痛者。此肝火風熱而氣病也。用小柴胡湯。以清肝火。並服加味四物湯。以養肝血。○若寒熱既止。而核不消散者。此肝經火燥而血病也。用加味逍遙散。以清肝火。六味地黃丸。以生腎水。○若腫高而稍軟。面色痿黃。皮膚壯熱。膿已成也。可用針以決之。及服托裏之劑。○若經久不愈。或愈而復發。膿水淋漓。肌內羸瘦者。必純補之劑。庶可收斂。否則變成久癰。內經曰。陷脉為癰。留連內腠。即此病也。外用豆豉餅琥珀膏。以驅散寒邪。補接陽氣。內服補中益氣湯。六味丸。以滋腎水。培肝木。健脾土。亦有可愈者。○又治法曰。大抵此證。原屬虛損。若不審虛實。而犯經禁病禁。則鮮有不誤。○常治此證。先以調經解鬱。更以隔蒜灸之。多自消。如不消。即以琥珀膏貼之。○俟有膿。即針之。否則變生他處。設若兼痰兼陰虛等證。只宜加兼證之劑。不可干擾餘經。○若氣血已復。而核不消却。服散堅之劑。至月餘不應。氣血亦

不覺損。方進必效。散或遇仙無比。凡其毒一下。即止二藥。更服益氣養營湯。以調理之。○瘡口不斂。宜用豆豉餅灸之。用琥珀膏貼之。若氣血俱虛。或不慎飲食起居七情者。俱不治。○若此證以氣血為主。氣血壯寔者。不用追蝕之劑。彼亦能自腐。但取去之。亦便易於收斂。○若氣血虛者。不先用補劑。而數用追蝕之藥。適足以敗之也。若發寒熱。眼內有赤脉貫瞳人者。不治。○灸瘰癧法。取肩尖肘尖骨縫交結處各一穴。即手陽明經肩髃曲池二穴也。各灸七壯。在左灸左。在右灸右。左右俱病者俱灸之。余嘗用之甚效。薛氏以曲池云肘髃。似亦未的也。○又薛氏經驗方云。治瘰癧已成未成。已潰未潰者。以手仰置肩上。微舉起。則骨尖自見。即是灸處。灸以三四十壯為度。更服益氣養營湯。灸三次。瘡自除。如患三四年不愈者。長時灸。灸至申時。三灸即愈。更服補劑。此法乃單灸曲池。以多為貴也。然但用前法。則已妙矣。倘有未應者。又當以此法治之。○又曰。此治瘰癧之秘法。凡男子婦人。若因恚怒傷肝。氣血壅遏而不愈者。宜灸此穴。以疎通經絡。如取此穴。當以指甲掐兩肘兩肩四所患處。覺有酸麻方是其穴。○又法。灸瘰癧未成膿者。用大蒜切片三錢厚。安患處。用火壯於蒜上灸之。每三五壯。即換蒜再灸。每日灸十數蒜片。以拔鬱毒。如破久不合。更用江西豆豉為末。以唾津和作餅。如前灸之。以助陽氣。內服補藥。外貼琥珀膏。或太乙膏。瘡口自合。○又或瘡口已破。核不腐。則瘡口不能斂。或貼琥珀膏不應。須用針頭散傳之。以去腐肉。再以如神散傳之。更服益氣養營湯。若氣血虛者。先服益氣養營湯。待血氣稍充。方用針頭散。仍服前湯。○一男子患面腫硬。久不消。亦不作膿。服散堅敗毒。

葉批
瘡不宜發
散恐毒走
散也

藥不應令灸肩尖肘尖二穴。更服益氣養營湯。月餘而愈。○一婦人久潰發熱。月經每週期。且少。用通遇散。兼前湯。兩月餘。氣血復而瘡亦愈。但一口不收。數針頭散。更灸前穴。而在常治。三年不愈者。連灸三次。兼用托裏藥。必愈。一婦人因怒結核腫痛。察其氣血俱實。先以必效散下之。更以益氣養營湯。三十餘劑而消。常治此證。虛者先用益氣養營湯。待其氣血補充。乃用必效散。取去其毒。仍進前藥。無不效者。○田氏婦。年逾三十。瘰癧已潰。不愈。與八珍湯。加紫明地骨皮。夏枯草。香附。貝母。五十餘劑。形氣漸轉。更與必效散。二服。瘡口遂合。惟氣血未平。再與前藥。三十餘劑而愈。後田生執此方。不問虛實。概以治人。殊不知散中斑貓性毒。雖治瘰癧。多服則損元氣。若氣血實者。先用此下之。而投補劑。或可愈。若虛而用下藥。或用追蝕藥。瘀肉雖去。而瘡口不合。反致難治。俱詳按

治療瘰癧核方。○凡瘰癧初起未甚者。即宜服此。或加夏枯草更佳。○用忍冬花。蒲公英。各四五錢。以水二碗。同煎湯。朝夕代茶飲之。十餘日漸消。然此藥但可治標。若欲除根。必須灸肩髃曲池二穴。

(四) 疔瘡

齊氏曰。夫疔瘡者。以其瘡形如疔。蓋之狀者是也。古方之論。凡有十種。華元化之論。有五色疔。千金方說。疔有十三種。以至外臺秘要。神巧萬全。其論頗同。然皆不離毒氣客於經絡。及五臟內蘊熱毒。凡初生一頭。凹而腫痛。青黃赤黑。無復定色。令人煩躁悶亂。或憎寒頭痛。或嘔吐心

逆以針刺瘡。不痛無血。是其候也。多因肥甘過度。不慎房酒。以致邪毒蓄積。遂生疔瘡。內經曰。膏梁之變。足生大疔。此之謂也。其治之法。急以艾炷灸之。若不覺痛者。針疔四邊。皆令血出。以奪命丹。或回生丹。從針孔紙之上。用膏藥貼之。仍服五香連翹湯。漏蘆湯。等劑。陳下之。為效。若或針之不痛。無血者。以猛火燒鐵針。通紅於瘡上烙之。令如焦炭。取痛為效。亦紙前藥用膏藥貼之。經一二日。膿潰根出。服托裏散湯。依常療之。以取平復。○如針之不痛。其根黑。或見火先者。不可治也。此邪毒之氣入於臟腑故也。○養生方云。人汗入肉食。食之則生疔瘡。不可不慎也。

立齋曰。此證多由膏梁厚味之所致。或因卒中飲食之毒。或感四時不正之氣。或感蛇蟲之毒。或感死畜之穢。各宜審而治之。其毒多生於頭面四肢。形色不一。或如小瘡。或如水泡。或疼痛。或麻木。或寒熱作痛。或嘔吐惡心。或肢體拘急。並宜隔蒜灸之。痛則灸之不痛。不痛灸之痛。若灸而不痛。則明矣。之及鍼疔四畔。去惡血。以奪命丹一粒。入瘡頭孔內。仍以膏藥貼之。並服解毒之劑。或用荊防敗毒散。○若針之不痛。無血者。宜用燒鍼治。如前齊氏之法。○若不省人事。或牙關緊急者。以奪命丹為末。葱酒調灌之。候醒更服敗毒散。或奪命丹。甚效。○若生兩手者。多有紅絲至臍。生兩足者。多有紅絲至心腹。生唇面口內者。多有紅絲入喉。皆為難治。急宜用鐵於血絲盡處挑破。使出破血。若紅絲近心腹者。更挑破瘡頭。去惡水以泄其毒。亦以膏藥貼之。多有生者。○若患於偏僻下部之處。藥力所難到者。若專假藥力。則緩不及事。惟灸之則大



有回生之功。○疔之名狀雖有十三種之不同。而治法但當審其元氣虛實。邪之表裏。庶不誤人於天札也。若專泥於疎利表散。非為無益。而反害之。○凡人暴死者。多是疔毒。急取燈適照其身。若有小瘡。即是其毒。宜急灸之。并服奪命丹等藥。亦有復甦者。○又曰。脉浮數者。散之。○脉沉寔者。下之。○表裏俱實者。解表攻裏。○麻木或大痛及不痛者。並灸之。更兼攻毒。○操江張恒山。左足次指患之。痛不可忍。急隔蒜灸三十餘壯。即能舉步。彼欲速愈。自敷涼藥。遂致血凝肉死。毒氣復熾。再灸百壯。服活命飲。出紫血。其毒方解。脚底通潰。腐筋爛肉甚多。及將愈。予因考績北上。又誤用生肌藥。反助其毒。使元氣虧損。瘡口難斂。予回。用托裏約補之。喜其稟質。且客處至三月餘而瘥。○表甥居富。右手小指患之。或用鐵出血。敷以涼藥。掌指腫三四倍。六脉洪大。此真氣奪則虛。邪氣勝則寔也。先以奪命丹一服。活命飲二劑。勢稍緩。余因他往。或又遍刺出血。腫延臂腕如大鉢。手指腫大數倍。不能消潰。乃真氣愈虛。而邪氣愈甚也。余回用大劑參芪歸朮之類。及頻灸遍手。腫勢漸消。後大便秘寔。時常泄氣。此元氣下陷。以補中益氣湯。加補骨脂。肉豆蔻。吳茱萸。五味子。又以生脉散代茶飲。大便漸寔。手背漸潰。又用大補藥五十餘劑。漸愈。詳按

(兇) 時毒

齊氏曰。時毒者。為四時邪毒之氣。而感之於人也。其候發于鼻面耳項咽喉。赤腫無頭。或結核有根。令人憎寒發熱。頭疼。肢體甚痛。恍惚不寔。咽喉閉塞。人不識者。將謂傷寒。原夫此疾。古無

方論。世俗通謂丹瘤。病家忌言時毒。切恐傳染。經曰。人身忽然變赤。狀如塗丹。謂之丹毒。此風熱惡毒所為。自與時毒不同。蓋時毒者。感四時不正之氣。初發狀如傷寒。五七日之間。乃能殺人。若至十日之外。則不治自愈矣。治宜辨之。先診其脉。凡滑數浮洪。沈緊弦濇。皆其候也。但浮數者。邪在表也。沈實者。邪氣深也。察其毒之甚者。急服化毒丹以攻之。寔熱便秘者。大黃湯下之。其有表證者。犀角升麻湯以發之。或年高氣鬱者。五香連翹湯主之。○又於鼻內通氣散。取十餘嚏作效。若嚏約不嚏者。不可治之。如嚏出膿血者。治之必愈。凡左右看病之人。日日用嚏約嚏之。必不傳染。切須記之。其病人每日用嚏藥三五次。以泄熱毒。此治時證之良法也。凡經三四日不解者。不可大下。猶宜和解之。以犀角散。苓連消毒飲。甚者連翹湯之類。至七八日。大小便利通。而頭面腫起高赤者。可服托裏散。托裏黃芪湯。如腫甚者。宜砭患處。出惡血。以泄其毒氣。○此病若五日已前。精神昏亂。咽喉閉塞。語言不出。頭面亦腫。食不知者。必死之候。治之無功矣。然而此疾有陰有陽。有可汗者。有可下者。嘗見粗工。但云熱毒。只用寒藥。殊不知病有微甚。治有逆從。不可不審矣。羅謙甫云。泰和二年。先師監濟源稅時。四月民多疫癘。初覺憎寒體重。次傳頭面腫甚。目不能開。上喘咽喉不利。舌乾口燥。俗云大頭天行。親戚不相訪問。染之多不救。張縣令姪。亦得此病。至五六日。醫已承氣。加板藍根下之。稍緩。翌日其病如故。下之又緩。終莫能愈。漸至危篤。或曰李明之存心於醫。可請治之。羅謙甫東垣用藥之法最稱奇妙遂請診視。具說其由。先師曰。夫身半以上。天之氣也。身半以下。地之氣也。此邪熱客於心肺之間。上攻頭目而